

Shan Morgan
Ysgrifennydd Parhaol
Permanent Secretary



Llywodraeth Cymru
Welsh Government

Mr Nick Ramsay
Y Pwyllgor Cyfrifon Cyhoeddus
Cynulliad Cenedlaethol Cymru
Bae Caerdydd
CF99 1NA

25 Medi 2018

Aauwyl Mr Ramsay,

Ysgrifennais atoch ar 17 Ionawr eleni i sôn am y gwaith oedd yn cael ei ddatblygu yn ymwneud â'r berthynas rhwng Llywodraeth Cymru a'i gyrff Hyd Braich yn dilyn ein hadolygiad "Delivering Together". Yn unol â'r cais yn eich llythyr dyddiedig 2 Chwefror eleni, rwyf nawr yn ysgrifennu at y Pwyllgor gyda'r newyddion diweddaraf.

Awgrymaf y gallai fod yn fuddiol i'r Pwyllgor pe bawn yn rhannu fy niweddariad o dan yr wyth prif argymhelliad yn ein hadolygiad a nodwyd gennyf yn fy llythyr blaenorol gan eu bod, gyda'i gilydd, yn cwmpasu byrdwn y gwaith. Daw'r penawdau isod felly o'r pwyntiau bwled yn yr ohebiaeth flaenorol.

Argymhelliad 1 - "Meithrin mwy o allu yn ganolog, drwy Uned Cyrff Cyhoeddus a fyddai'n cymryd cyfrifoldeb am rai swyddogaethau nawdd, gweithredu fel canolfan ragoriaeth, bod yn ffynhonnell o gyngor cyson a rhoi mwy o dryloywder a sicrwydd imi. Bydd yr Uned hon yn niwtral o ran cost ac yn cael ei hariannu drwy ad-drefnu adnoddau gan dimau nawdd a fydd yn ein galluogi i wneud yr hyn yr ydym yn ei wneud nawr yn well ac yn sicrhau hefyd fod gennym gapasiti i ymgymryd â swyddogaethau newydd."

Mae'r Uned Cyrff Cyhoeddus wedi'i sefydlu ac mae'n cyflawni ei rôl yn unol â'r hyn a argymhellwyd. Mae'n rhan o Grŵp yr Ysgrifennydd Parhaol ac mae'n adrodd i'r Cyfarwyddwr Gwasanaethau Corfforaethol sydd, yn ei dro, yn adrodd i mi. Mae bellach



**BUDDSODDWYR | INVESTORS
MEWN POBL | IN PEOPLE**

Parc Cathays • Cathays Park Ffôn • Tel 0300 025 3289
Caerdydd • Cardiff PS.PermanentSecretary@gov.wales
CF10 3NQ Gwefan • Website: www.gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi. Dilynwch y ddolen i gael arweiniad ar sut fyddwn yn trin a defnyddio'ch data, yn unol â'r Rheoliadau Diogelu Data Cyffredinol. <https://gov.wales/about/welsh-government-privacy-notice/?skip=1&lang=cy>

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding. Please follow the link for guidance on how we will handle & use your data, in accordance with the General Data Protection Regulations. <https://gov.wales/about/welsh-government-privacy-notice/?lang=en>

wedi'i staffio'n llawn gyda swyddogion o bob cwr o'r sefydliad drwy ad-drefnu adnoddau. Roedd pob un o'r rhain eisoes yn cyflawni swyddogaeth nawdd neu swyddogaeth polisi perthnasol mewn perthynas â chorff Hyd Braich ac, fel y rhagwelwyd, mae wedi bod yn ymarfer niwtral o ran cost. Rydym wedi gallu creu peth capasiti i ymgymryd â swyddogaethau yn well ac yn fwy cost effeithiol, felly yr Uned sydd hefyd yn gyfrifol am drosolwg Llywodraeth Cymru o gyflogau ac amodau cyrff Hyd Braich ac mae'n cynnwys y gwaith o weithredu'r system anrhydeddau yn Llywodraeth Cymru. Mae trefniadau newydd ar y gweill yn cynnwys:

- Cael gwared ar 'Weithdrefnau Galw i Mewn' h.y. gofyniad i'n Cyrff Hyd Braich gyfeirio penderfyniadau mewn categorïau penodol atom, megis tendrau unigol sydd uwchlaw trothwy penodol neu faterion newydd a dadleuol, i'w cymeradwyo. Bydd hyn yn arwain at arbedion effeithlonrwydd i Lywodraeth Cymru o ran amser a dreulir yn darparu cyngor a chymeradwyaeth ac yn caniatáu i Brif Weithredwyr wneud penderfyniadau sy'n gyfrifoldeb iddynt yn eu rolau fel Swyddogion Cyfrifyddu.
- Datblygu trefniant sefydlu i Fyrddau cyrff cyhoeddus. Mae'n cael ei gyflwyno ar draws ein cyrff cyhoeddus i gyd-daro â'u cyfarfodydd bwrdd. Yn ychwanegol, mae'n rhan o hyfforddiant cynefino Swyddogion Cyfrifyddu newydd. Mae sesiynau diweddar wedi cynnwys Gofal Cymdeithasol Cymru, Chwaraeon Cymru, Comisiwn Brenhinol Henebion Cymru a'r Academi Genedlaethol Arweinyddiaeth Addysgol.
- Cynllunio proses Adolygu wedi'i theilwra i'w defnyddio gyda Chyrrff Hyd Braich i ddarparu sicrwydd i Weinidogion, y Prif Swyddog Cyfrifyddu ac Arweinwyr y cyrff eu hunain ynghylch a yw ein cyrff yn dal i fod yn addas at y diben ac yn cael eu rheoli'n dda ac yn briodol atebol. Bydd y broses adolygu yn gymesur i faint y corff Hyd Braich ac yn hyblyg o ran amseru a dull gweithredu. Rydym wedi datblygu offeryn risg, a fydd yn cael ei fireinio gydag arweinwyr ein Cyrff Cyhoeddus, i adnabod pryd y byddai adolygiad o gorff Hyd Braich yn fuddiol. Bydd yr offeryn yn cael ei ddefnyddio gan Lywodraeth Cymru ar y cyd â chyrrff hyd braich er mwyn cytuno ar broffil risg y sefydliad ac i helpu i lywio trafodaethau gyda Gweinidogion o ran amseru adolygiad y sefydliad. Rwy'n gobeithio y bydd y broses adolygu ar waith erbyn mis Ebrill y flwyddyn nesaf.
- Cyflogau, gwobrau a chydnabyddiaeth cyrff cyhoeddus. Gwelais hwn fel cyfle i gysoni trefniadau ar draws y gwasanaeth cyhoeddus a darparu un pwynt cyswllt cyffredin ar gyfer y cyrff hyn. Y nod yw darparu cyngor ar arfer gorau ar draws y sector, gan gydnabod er bod cysondeb yn bwysig, nad yw yr un ffordd yn addas ym mhob achos. Rydym ar hyn o bryd wrthi'n datblygu cynigion ar ganllawiau cylch cyflog cyrff hyd braich a chyngor ar systemau tâl, gwobrwyo a diswyddo.



BUDDSODDWYR | **INVESTORS**
MEWN POBL | **IN PEOPLE**

Parc Cathays • Cathays Park Ffôn • Tel 0300 025 3289
Caerdydd • Cardiff PS.PermanentSecretary@gov.wales
CF10 3NQ Gwefan • Website: www.gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi. Dilynwch y ddolen i gael arweiniad ar sut fyddwn yn trin a defnyddio'ch data, yn unol â'r Rheoliadau Diogelu Data Cyffredinol. <https://gov.wales/about/welsh-government-privacy-notice/?skip=1&lang=cy>

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding. Please follow the link for guidance on how we will handle & use your data, in accordance with the General Data Protection Regulations. <https://gov.wales/about/welsh-government-privacy-notice/?lang=en>

Mae symud y gwaith hwn i uned bwrpasol eisoes yn ein galluogi i ganolbwyntio mwy ar gasglu gwybodaeth a deall y problemau; gofynion adrodd ar Dryloywder Tâl Uwch Reolwyr a'r Bwlch Cyflog rhwng y Rhywiau; polisi cyflog sector cyhoeddus Cymru; a newidiadau pensiwn.

- Rydym yn sefydlu Rhwydwaith o Gefnogwyr i swyddogion Llywodraeth Cymru sy'n cwrdd yn rheolaidd ac yn rhannu arfer gorau. Bydd yn cael ei reoli a'i arwain gan yr Uned Cyrff Cyhoeddus. Bydd ar waith erbyn mis Tachwedd. Rwyf wedi cytuno bod yn rhaid i gefnogwyr arweiniol fod ar lefel Dirprwy Gyfarwyddwr fan leiaf a byddant yn cyflawni rôl i wella perthynas. Mae'r rôl rheoli perthynas hon yn cael ei chynnwys wrth lunio fframwaith cymhwysedd a pherfformiad yr Uwch Wasanaeth Sifil. Mae'r Uned Cyrff Cyhoeddus yn cydweithio ag Academi i gyflwyno rhaglen ddysgu a datblygu ar Adeiladu Perthnasoedd Effeithiol ar gyfer ein rheolwyr perthnasoedd newydd

Argymhelliad 2 - "Datblygu cynigion gyda'n cyrff Hyd Braich i gyflawni swyddogaethau 'swyddfa gefn' Cyrff Hyd Braich Llywodraeth Cymru mewn ffordd gydgysylltiedig a defnyddio contractau fframwaith mawr yn well er mwyn ysgogi arbedion effeithlonrwydd."

Rydym yn gwneud rhywfaint o gynnydd gyda'r argymhelliad hwn er y bydd yn cymryd cryn amser i'w roi ar waith ac mae'n debyg y bydd angen ei ymestyn dros sawl blwyddyn. Yn y tymor byr, mae cyrff Hyd Braich yn gaeth fel arfer i'w contractau eu hunain nad oes modd eu diddymu heb gosbau sylweddol. Ond rydym wedi dechrau sgwrs gyda'n cyrff ynghylch lle y gellir dod o hyd i'r cyfleoedd gorau a chyflymaf i sicrhau arbedion effeithlonrwydd drwy gontractau fframwaith.

Mae'r Prif Weithredwyr ar y cyd yn awyddus i ganolbwyntio ar yr agenda effeithlonrwydd ac roeddent wedi dechrau edrych ar eu gweithgareddau a'u hadnoddau - pobl, egni ac ymrwymiad ac nid arian yn unig – a sut, drwy gydweithio, y gallent ryddhau'r rhain i gynyddu gwerth cyhoeddus. Cafwyd trafodaethau cadarnhaol iawn a chytundeb cyffredinol y byddwn yn parhau i gydweithio ar yr agenda cydwasanaethau ar sail 'dewis a dethol' sy'n esblygu. Rwy'n cydnabod efallai y bydd angen modelau a dulliau gweithredu gwahanol arnom ledled Cymru, yn dibynnu ar amgylchiadau unigol.

Mae darparu gwasanaethau archwilio mewnol yn gyfle cynnar. Nid yw'r rhan fwyaf o'n cyrff Hyd Braich yn rheoli eu gwasanaethau archwilio mewnol eu hunain, yn hytrach, mae pob un yn unigol yn gosod gwaith ar gontract allanol, i'r sector preifat gan amlaf. Mae modelau yn y GIG yng Nghymru, ac Adrannau'r Llywodraeth yn Whitehall, sy'n dangos y gellir darparu cydwasanaeth archwilio mewnol effeithiol ac effeithlon ar draws ystod o gyrff. Mae Pennaeth Archwilio Mewnol Llywodraeth Cymru yn arwain yr agwedd benodol hon ar y cynigion ar ein rhan ond rydym yn ei drin fel prosiect ar y cyd



BUDDSODDWRYR | **INVESTORS**
MEWN POBL | **IN PEOPLE**

Parc Cathays • Cathays Park
Caerdydd • Cardiff
CF10 3NQ

Ffôn • Tel 0300 025 3289
PS.PermanentSecretary@gov.wales
Gwefan • Website: www.gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi. Dilynwch y ddolen i gael arweiniad ar sut fyddwn yn trin a defnyddio'ch data, yn unol â'r Rheoliadau Diogelu Data Cyffredinol. <https://gov.wales/about/welsh-government-privacy-notice/?skip=1&lang=cy>

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding. Please follow the link for guidance on how we will handle & use your data, in accordance with the General Data Protection Regulations. <https://gov.wales/about/welsh-government-privacy-notice/?lang=en>

gyda'r cyrff Hyd Braich eu hunain. Y gobaith yw y bydd gennym gynlluniau pendant i'w rhoi ar waith erbyn mis Ebrill nesaf.

Argymhelliad 3 - "Asesu pa mor gost-effeithiol ydyw i swyddogion Llywodraeth Cymru ddarparu gwasanaethau 'ysgrifenyddiaeth' i'r 16 o bwyllgorau, paneli apelio a thribiwnlysoedd a gwneud cynigion i gydgrynhoi'r adnodd hwn".

Rwyf wedi sefydlu ysgrifenyddiaeth gyffredin, dan oruchwyliaeth fy swyddfa i, ar gyfer prif bwyllgorau swyddogol mewnol Llywodraeth Cymru sy'n gweithredu o dan fy Mhwyllgor Gweithredol. Rwy'n rhagweld y bydd y trefniadau newydd hyn yn arwain at arbedion effeithlonrwydd ac at weithredu'r grwpiau sy'n gwneud penderfyniadau allweddol i'm cefnogi yn y gwaith o redeg Llywodraeth Cymru mewn modd mwy effeithiol. Ar ôl i hyn ymsefydlu byddwn yn edrych ar y gwersi a ddysgwyd ac yn ceisio eu cymhwyso er mwyn cydgrynhoi gwasanaethau ysgrifenyddiaeth ar raddfa ehangach ar draws Llywodraeth Cymru.

Argymhelliad 4 - "Symleiddio'r ffordd y caiff y taliad cymorth grant ei weinyddu gan barhau â threfniadau craffu trwyadl".

Rwyf wedi sefydlu ffrwd waith Grantiau a Sicrwydd i adnabod grantiau sydd â chylch gwaith neu gyfrifoldebau tebyg neu sy'n gorgyffwrdd, a/neu sail arall dros gyfuno, rhesymoli neu ddod â'r gwaith i ben, os yw'n briodol. Mae'r gwaith yn cael ei arwain gan y Ganolfan Rhagoriaeth Grantiau gyda chefnogaeth Gweithgor Grantiau. Mae'r Gweithgor Grantiau wedi datblygu Model Gweithredu Targed sy'n adlewyrchu'r prosesau gwneud cais a rheoli grant o'r dechrau i'r diwedd.

Gwnaed cynnydd da o ran datblygu Panel Sicrwydd Grantiau. Mae'r Panel wedi'i sefydlu ac mae'n darparu cyngor, her a sicrwydd i reolwyr grantiau wrth iddyn nhw sefydlu eu cynlluniau grant. Cynhaliwyd cyfarfod cyntaf y Panel ym mis Medi.

Rwyf wedi cytuno i sefydlu Tîm Diwydrwydd Dyladwy Canolog cyn bo hir i ddarparu "prawf iechyd" corfforaethol i'r sefydliadau a ariennir gennym gyda'r nod o wella cysondeb, darparu mwy o gefnogaeth i feysydd polisi ac i ddarparu mwy o unffurfiaeth o ran sut mae Llywodraeth Cymru yn delio â chyrrff allanol.

Rydym wrthi'n edrych ar wella cysondeb a chydymffurfiaeth, lleihau'r baich gweinyddol i randdeiliaid a gwella'r trywydd archwilio drwyddi draw. Fel rhan o hyn, mae fy nhîm grantiau wrthi'n ymchwilio i ddatrysiad TGCh a fyddai'n addas fel rhaglen ddigidol.

Argymhelliad 5 - "Symud o ddefnyddio llythyrau cylch gwaith 'blynyddol', dyfarnu cyllidebau a chynlluniau busnes i fabwysiadu dull 'Telerau Llywodraeth' a fydd yn hwyluso cynllunio ar gyfer y tymor hwy ac yn rhoi mwy o sefydlogrwydd i'n Cyrff



BUDDSODDWR | **INVESTORS**
MEWN POBL | **IN PEOPLE**

Parc Cathays • Cathays Park
Caerdydd • Cardiff
CF10 3NQ

Ffôn • Tel 0300 025 3289
PS.PermanentSecretary@gov.wales
Gwefan • Website: www.gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi. Dilynwch y ddolen i gael arweiniad ar sut fyddwn yn trin a defnyddio'ch data, yn unol â'r Rheoliadau Diogelu Data Cyffredinol. <https://gov.wales/about/welsh-government-privacy-notice/?skip=1&lang=cy>

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding. Please follow the link for guidance on how we will handle & use your data, in accordance with the General Data Protection Regulations. <https://gov.wales/about/welsh-government-privacy-notice/?lang=en>

Hyd Braich, ac yn gwella effeithlonrwydd ac effeithiolrwydd y trefniadau trosolwg

Croesawyd y cam hwn tuag at berthynas fwy strategol, a fydd yn cysylltu gweithgareddau pob corff unigol â'r cyfraniad y gall wneud at Raglen y Llywodraeth ac sy'n annog mwy o weithio cydgysylltiedig rhwng cyrff, yn eang gan Gadeiryddion a Byrddau fel cam cadarnhaol ymlaen. Y bwriad yw cyhoeddi set gyntaf o lythyrau Telerau'r Llywodraeth erbyn diwedd y flwyddyn ariannol.

Argymhelliad 6 - "Sefydlu Fforwm Arweinwyr Cyhoeddus (rhwydweithiau ar gyfer Cadeiryddion, Prif Weithredwyr a noddwyr ac arweinwyr polisi) i hwyluso cyfathrebu a rhannu gwybodaeth yn well, a fydd yn arwain at gynllunio mwy effeithlon a phenderfyniadau gwell

Cynhaliwyd cyfarfod cyntaf Fforwm Arweinwyr Cyhoeddus, a fynychwyd gan Gadeiryddion a Phrif Weithredwyr y rhan fwyaf o gyrff Hyd Braich Llywodraeth Cymru, ym mis Mawrth. Roeddwn yn hynod falch o allu bod yno a chyfrannu at y digwyddiad, gan fy mod yn ei ystyried yn ddatblygiad pwysig sydd i'w groesawu. Daeth rhai themâu cyson i'r amlwg inni eu hystyried ymhellach ar y cyd:

- parchu 'annibyniaeth' pob sefydliad a chydabod hefyd cyd-ddibyniaeth y naill ar y llall;
- gwella cyfathrebu dwy ffordd;
- cyd-gefnogaeth – gwir bartneriaeth;
- gweithio ar y cyd – "Tîm Cymru";
- rhannu adnoddau ar gyfer staff swyddfa gefn a rheng flaen;
- sesiynau sefydlu unigol a bwrdd a sesiynau ymwybyddiaeth llywodraethu;
- deall Model Cyflawni Llywodraeth Cymru ar gyfer Ffyniant i Bawb;
- amrywiaeth; a
- rhannu problemau, atebion ac arfer gorau.

Roedd yr adborth gan y rhai a oedd yn bresennol yn hynod frwdfrydig a chadarnhaol ac mae cyfarfod nesaf y Fforwm Arweinwyr Cyhoeddus wedi'i drefnu yn Aberystwyth yn nes ymlaen eleni lle y byddwn yn trafod rhai o'r materion hyn yn fanylach.

Argymhelliad 7 - "Datblygu 'Porthol Llywodraethu' Llywodraeth Cymru er mwyn hwyluso cyfleoedd ar gyfer gweithio ar draws sectorau drwy roi plattform ar gyfer rhannu cynlluniau busnes a llythyrau cylch gwaith Cyrff Hyd Braich, ac i ddarparu fforwm ar gyfer trafodaethau ar-lein



BUDDSODDWR | INVESTORS
MEWN POBL | IN PEOPLE

Parc Cathays • Cathays Park
Caerdydd • Cardiff
CF10 3NQ

Ffôn • Tel 0300 025 3289
PS.PermanentSecretary@gov.wales
Gwefan • Website: www.gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi. Dilynwch y ddolen i gael arweiniad ar sut fyddwn yn trin a defnyddio'ch data, yn unol â'r Rheoliadau Diogelu Data Cyffredinol. <https://gov.wales/about/welsh-government-privacy-notice/?skip=1&lang=cy>

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding. Please follow the link for guidance on how we will handle & use your data, in accordance with the General Data Protection Regulations. <https://gov.wales/about/welsh-government-privacy-notice/?lang=en>

Mae'r Uned Cyrff Cyhoeddus wrthi'n ymchwilio gyda noddwyr, Swyddfa'r Cabinet a'r Arweinwyr Cyhoeddus i ba wybodaeth fyddai o fudd ei rhannu er mwyn galluogi Llywodraeth Cymru i hyrwyddo gwell cydweithio ar draws y sectorau. Ar ôl i'r gwaith hwn gael ei gwblhau byddwn yn datblygu'r platfform i alluogi hyn i ddigwydd – “dewis ffurf ar ôl dewis diben”. Fy mwriad yw rhoi hyn ar waith erbyn dechrau'r flwyddyn ariannol nesaf.

Argymhelliad 8 - “Meithrin mwy o allu yn yr Uned Penodiadau Cyhoeddus er mwyn datblygu ffynhonnell o dalent ar ffurf darpar ymgeiswyr i'w penodi i fyrddau, gwella trefniadau cynllunio ar gyfer olyniaeth ac amrywiaeth mewn penodiadau”.

Mae'r Uned Penodiadau Cyhoeddus wedi'i chryfhau ac mae bellach yn rhan o'r Uned Cyrff Cyhoeddus. Rydym wedi datblygu'r gallu i reoli penodiadau cyhoeddus yn ganolog o fewn yr Uned Cyrff Cyhoeddus ac o 1 Tachwedd byddwn yn cynnal pob ymgyrch o fewn y tîm.

Rydym wedi symud 6 ymgyrch benodi i'r Uned Cyrff Cyhoeddus, fel lansiad meddal, i brofi ein cydnerthedd o ran adnoddau ac i sicrhau bod gennym y capasiti a'r gallu i reoli'r penodiadau hyn yn effeithiol ac yn effeithlon pan fyddwn yn dod yn gyfrifol am y cyfan.

Ei blaenoriaeth gyntaf, ar gais Gweinidogion, yw mynd ati i gynyddu amrywiaeth y gronfa o ymgeiswyr ar gyfer penodiadau cyhoeddus. Rwyf wedi penodi rheolwr 'Estyn Allan' sy'n gyfrifol am greu llif o ymgeiswyr amrywiol ar gyfer penodiadau yn y dyfodol ac i ddatblygu trefniadau hyfforddi a mentora ar gyfer y rhai sydd eisoes wedi'u penodi a'r rhai sy'n dymuno cael eu hystyried ar gyfer penodiadau yn y dyfodol.

Mae'r Uned Cyrff Cyhoeddus wrthi'n cynllunio cynllun gweithredu fydd yn cynnwys cyfathrebu'r cyfleoedd ar Fyrddau yn ehangach, mwy o bwyslais ar annog pobl o gefndiroedd amrywiol i ymgeisio a mynd ar drywydd y rhai y bu ond y dim iddynt fod yn llwyddiannus. Fel un o'i gweithgareddau cyntaf, mae'r Uned Penodiadau Cyhoeddus wedi trefnu seminar ar 24 Medi ac wedi gwahodd aelodau o Fyrddau Cyhoeddus sydd wedi datgelu, drwy'r broses benodi, bod ganddynt anabledd i drafod eu profiadau o ran ymgeisio am y rôl ac ymgymryd â'r swydd.

Bydd yr Uned hefyd yn canolbwyntio ar geisio cael gwell cydbwysedd o ran amrywiaeth mewn penodiadau cyhoeddus yng Nghymru ac yn cael cyngor yn y gwaith hwn gan Kathryn Bishop, Cadeirydd Awdurdod Cyllid Cymru sydd hefyd yn gyn Gomisiynydd i'r Gwasanaeth Sifil.



**BUDDSODDWYR | INVESTORS
MEWN POBL | IN PEOPLE**


Parc Cathays • Cathays Park
Caerdydd • Cardiff
CF10 3NQ

Ffôn • Tel 0300 025 3289
PS.PermanentSecretary@gov.wales
Gwefan • Website: www.gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi. Dilynwch y ddolen i gael arweiniad ar sut fyddwn yn trin a defnyddio'ch data, yn unol â'r Rheoliadau Diogelu Data Cyffredinol. <https://gov.wales/about/welsh-government-privacy-notice/?skip=1&lang=cy>

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding. Please follow the link for guidance on how we will handle & use your data, in accordance with the General Data Protection Regulations. <https://gov.wales/about/welsh-government-privacy-notice/?lang=en>

Rwy'n gobeithio bod y diweddariad hwn yn rhoi blas i'r Pwyllgor o'r cynnydd rydym yn ei wneud. Byddaf, wrth gwrs, yn fwy na bodlon ymhelaethu ar bob un o'r argymhellion yn yr adroddiad pan fyddaf yn ymddangos ger eich bron ar 15 Hydref pe bai hynny o fudd i'r Pwyllgor.

Yn gywir, 

Shan Morgan

Ysgrifennydd Parhaol/ Permanent Secretary
Llywodraeth Cymru/ Welsh Government



BUDDSODDWR | INVESTORS
MEWN POBL | IN PEOPLE

Parc Cathays • Cathays Park
Caerdydd • Cardiff
CF10 3NQ

Ffôn • Tel 0300 025 3289
PS.PermanentSecretary@gov.wales
Gwefan • Website: www.gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi. Dilynwch y ddolen i gael arweiniad ar sut fyddwn yn trin a defnyddio'ch data, yn unol â'r Rheoliadau Diogelu Data Cyffredinol. <https://gov.wales/about/welsh-government-privacy-notice/?skip=1&lang=cy>

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding. Please follow the link for guidance on how we will handle & use your data, in accordance with the General Data Protection Regulations. <https://gov.wales/about/welsh-government-privacy-notice/?lang=en>